



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1460/09

Banja Luka, 23.01.2009.

**PARLAMENTARNA SKUPŠTINA
BOSNE I HERCEGOVINE**
71000 Sarajevo, trg BiH 1.

Kolegiju Predstavničkog doma PS BiH

**Predmet: Dostava pisama od Savjeta Evrope - Generalnog sekretara i Evropske komisije –
Generalnog direktora za Proširenje**

Poštovana gospodo Belkiću, Lozančiću i Živkoviću,

Dana 17.12.2008. godine dostavili smo svim poslanicima u Predstavničkom domu PS BiH i delegatima u Domu naroda PS BiH pisma koje je ovo Udruženje dobilo 22. oktobra 2008. godine od gospodina Terry Davisa, Generalnog sekretara Savjeta Evrope, i pismo od 9. oktobra 2008. godine, koje smo dobili, po molbi gospodina Barossa, od Generalnog direktora za proširenje Evropske komisije gospodina Dirka Langea.

Pisma smo dostavili parlamentarcima Bosne i Hercegovine, jer se u oba pisma od najviše pozicioniranih funkcionera Savjeta Evrope i Evropske komisije daje podrška rješavanju problema stare devizne štednje ističući obaveze Bosne i Hercegovine prema njenim građanima.

Dopisom od 13. januara 2009. godine Kolegij Predstavničkog doma kojeg Vi činite, obavjestio je Udruženje da je se na 81. sjednici upoznao sa našim dopisom, a ostalo nam je nejasno da li je dopis dostavljen svim parlamentarcima kako je bilo adresirano ili ste kao Kolegij sadržaj pisama zadržali u okviru Vas trojice, što nije bio naš cilj.

Bez obzira na Vaše postupanje, vjerovatno ovo Udruženje ne bi reagovalo da niste na kraju Vašeg dopisa napisali sljedeće: "Napominjemo da Bosna i Hercegovina ima Zakon o izmirenju obaveza po osnovu računa stare devizne štednje i kao takav se mora primjenjivati."

Poštovana gospodo ovom rečenicom ste nas šokirali.

Problemi vlasnika stare devizne štednje su sadržani u činjenici što već duže od 18 godina ne mogu raspolagati svojom imovinom. Irelevantno je uopšte da li imaju ili nemaju zakon, da li su ili nisu verifikovali svoje štednju, prihvataju li ili ne prihvataju taj Vaš čarobni – magični zakon. Vlasnici stare devizne štednje nemaju pristup svom novcu, svojoj imovini i jedino je njihova patnja i bol nepromjenjiva konstanta. Gospodo Belkiću, Lozančiću i Živkoviću, Vi ste iskusni političari i imate respektabilno iskustvo u zakonodavnim organima pa smo tim više šokirani Vašim diletantizmom, izuzev, ako nisu u pitanju neke druge namjere ili ste u funkciji onih koji su se u periodu koji karakteriše naša patnja enormno obogatili i još uvijek se bogate.

Pa zar ste mislili uvažena gospodo da je Vaš dopis dovoljan da "smiri" one koji su pošteno zaradili i uštedjeli tri milijarde KM. Mislite li da je dovoljno da kažete da postoji zakon, a da nije bitno da li se i koliko taj zakon primjenjuje i kakvi su efekti tog zakona? Imate li namjeru nekada od nekoga tražiti da podnese izvještaj o tome koliko je vraćeno stare devizne štednje? Sa "Vašim zakonom" zadovoljni su samo oni koji kriminalom i korupcijom stečeni novac, kao na primjer namještenim tenderima, ulože u kriminalne poslove starom deviznom štednjom. Niste tražili podatke o toku istrage o kriminalu u APIF-ovima.

Kako stvari stoje o svemu ovome će Vas informisati Evropski sud za ljudska prava, ali naša tuga i nevolja sa Vama, je bez obzira na sve ipak veća od pravde koja dolazi i doći će iz Strazbura.

Zato, poštovana gospodo iskoristite svoju moć, koju smo Vam dali na izborima, ispravite greške, neemojte podržavati prethodne i biti novi tvrdoglavi kreatori naše patnje. Izlaz postoji, a istorija se piše i na obrazima aktera u vlasti. Pomislite večeras prije spavanja na našu patnju i vidite da li će te moći mirno spavati.

S poštovanjem,

Za Upravni odbor
PREDSJEDNIK
Svetozar Nišić

Dostavljeno:

1. Tary Daviss Generalni sekretar Savjeta Evrope;
2. Tomas Hamerberger, Komesar za ljudska prava pri Savjetu Evrope
3. Jan-Paul Costa, predsjednik Evropskog suda za ljudska prava
4. Savjetu ministara BiH;
5. Vladi Federacije BiH i Vladi RS;
6. OHR-u
7. Ombudsmanima BiH i
8. Medijima